

# Храм Покрова Пресвятой Богородицы в Братцеве

**Вы можете помочь его возрождению**

Приходом храма издается газета для семейного чтения

**«БРАТЦЕВСКИЙ БЛАГОВЕСТНИК»**

Главный редактор - настоятель храма иерей Михаил Малеев

Наш адрес: ул. Саломеи Нерис, 4.

ИНН 7733044481, р/с 40703810338210100031,

БИК 044525342 в МБ СБ РФ г. Москвы

Тушинское отделение СБ 7973

кор. Счет 30101810600000000342

**Молитва**  
**данная пр.Серафимом**  
**иеросхимонаху Сампсону**  
**« Всемиловитая»**

Всемиловитая Владычица моя,  
Пресвятая Госпоже, Всепречистая Дево  
Богородице Марие, Мати Божия,  
несумненная и единственная  
надеждо моя, не гнушайся мене,  
не отвергай мене, не остави  
мене, не отступи от мене,  
заступи, попроси, услыши,  
виждь. Госпоже, помози,  
прости. Пречистая!

Книга является приложением к приходской газете

«БРАТЦЕВСКИЙ БЛАГОВЕСТНИК»,

издаваемой

**по благословению**

**Патриарха Московского**

**и Всея Руси Алексия II**

Приход храма Покрова Пресвятой Богородицы в Братцеве

Лицензия на издательскую деятельность

ЛР №030785 от 25 ноября 1997 года

ISBN 5-89787-001-2

# **МОЛИТВЫ**

*к 45 чудотворным иконам*

**Божией Матери**

## СОДЕРЖАНИЕ

Млекопитательница.....	04
Отрада или утешение.....	04
Утоли моя печали.....	05
Взыскание погибших.....	05
Иверская.....	06
Козельцанская .....	06
Державная.....	07
Благодатное небо.....	07
Споручница грешных.....	08
Слово плоть бысть.....	09
Феодоровская.....	09
Ильинско-Черниговская.....	10
Неувядаемый цвет.....	10
Муромская.....	11
Живоносный источник.....	11
Неупиваемая Чаша.....	12
Достойно есть.....	12
Боголюбская.....	13
Владимирская.....	13
Тихвинская.....	14
Троеручица.....	14
Казанская .....	15
Почаевская.....	16
Одигитрия или Смоленская.....	16
Умиление.....	17
Толгская.....	17
Семистрельная.....	18
Страстная .....	18
Донская.....	19
Грузинская.....	19
Черниговско-Гефсиманская.....	20
Калужская.....	20
Неопалимая купина.....	21
Знамение Курская.....	22
Целительница.....	22
Покрова.....	23
Иерусалимская.....	23
Спорительница хлебов.....	24
Всех скорбящих радость.....	24
Скоропослушница.....	25
Знамение Новгородская.....	25
Нечаянная радость.....	26
Спасительница утопающих.....	27
Трех радостей.....	27
Всецарица.....	28
Призри на смирение .....	28

**12 (25\*) января - икона Божией Матери «МЛЕКОПИТАТЕЛЬНИЦА» -**

**молятся кормящие матери и при родах.**

### **Тропарь, глас 3:**

*Без семени от Божественнаго Духа,/ волею же Отчею зачала еси Сына Божия,/ от Отца без матери век суща,/ нас же ради из Тебе без отца бывша,/ плотию родила еси/ и Младенца млекопитала еси,/ темже не престай молити/ избавитися от бед душам нашим.*

### **Молитва**

Приими, госпоже Богородительнице, слезная моления рабов твоих, к Тебе притекающих. Зрим Тя на святей иконе, на руках носящую и млеко питающую Сына Твоего и Бога нашего, Господа Иисуса Христа. Аще и безболезненно родила еси Его, обаче матерния скорби веси и немощи сынов и дщерей зриши. Темже тепле припадающе к цельбоносному образу Твоему и умиленно сей лобызающе молим Тя, Всемилостивая Владычице: нас грешных, осужденных в болезнях родити и в печалях питати чада наша, милостивно пощади и сострадательно заступи, младенцы же наша, также и родившая их, от тяжкаго недуга и горькия скорби избави. Даруй им здравие и благо-мощие, да и питаеми от силы в силу возрастати будут, и пита-ющыя их исполнятся радостью и утешением, яко да и ныне предстательством Твоим из уст младенцев и ссущих Господь совершит хвалу Свою. О Мати Сына Божия! Умилосердися на матери сынов человеческих и на немощные люди Твоя: пости-гающыя нас болезни вскоре исцели, належащыя на нас скорби и печали утоли, и не презри слез и воздыханий рабов твоих. Услыши нас в день скорби пред иконою Твоею припадающих, и в день радости и избавления приими благодарная хваления сердец наших. Вознеси мольбы наша ко престолу Сына Твоего и Бога нашего, да милостив будет ко грехам и немощем нашим и пробавит милость Свою вездущим имя Его, да и мы, и чада наша прославим Тя, Милосердную заступницу и верную надежду рода нашего, во веки веков.

**21 (3) января - икона Божией Матери «ВАТОПЕДСКАЯ», именуемая «ОТРАДА» или «УТЕШЕНИЕ» - молятся об исцелении от недугов.**

### **Тропарь, глас 3:**

*Утоли болезни многовоздыхающая души моя, Утолившая всякую слезу от лица земли. Ты бо человек болезни от-гониши и грешных скорби разрушавши: Тебе бо стяжахом вси надежду и утверждение, Пресвятая Мати Дево.*

### **Молитва**

Надежда всем концем земли, Пречистая Дево Богородице, Утешение и Отрадо наше! Не гнушайся нас грешных, на Твою бо милость уповаем. Угаси пламень греховный и покаянием ороси изсохшие сердца наша. Очисти ум наш от греховных помышлений. Приими моления от души и сердца с воздыханием Тебе приносимья. Будь Ходатаице о нас к Сыну Твоему и Богу и отврати гнев Его от нас Матерними молитвами. Укрепи в нас веру православную, вложи в нас дух страха Божия, дух смирения, терпения и любви. Душевные и телесныя язвы исцели, утиши бурю злых нападений вражеских. Отыми бремя грехов наших и не остави нас до конца погибнути. Подаждь нам милость Твою и святое благословение Свое всем zde предстоящим и молящимся и всегда пребывай с нами, подавая приходящим к Тебе отраду и утешение, помощь и заступление, да славим и величаем Тя вси до последнего нашего воздыхания. Аминь.

**25 (7) января - икона Божией Матери «УТОЛИ МОЯ ПЕЧАЛИ» - молятся об избавлении от болезней и скорбей телесных; от греховных страстей, буруевающих сердце человека.**

### **Тропарь, глас 3:**

*Утоли болезни / многовоздыхающая души моя, / утолившая всяку слезу от лица земли, / Ты бо человеком болезни от-гониши / и грешных скорби разрушавши, / Тебе бо вси стяжахом надежду и утверждение, / Пресвятая Мати Дево.*

### **Молитва**

Надежда всем концем земным Ты еси, Пречистая Дево Госпоже Богородице, утешение мое! Не гнушайся мене, сквер-наго, в дерзновенном молении недостойных уст моих, и молю: угаси ми пламень греховный и ороси покаянием, душевныя и телесныя язвы исцели, облегчи, Владынице, болезнь, утиши бурю злых нападений, Пречистая, отыми бремя грехов моих, Преплагая, и утоли печали моя, сокрушающая сердце. Ты бо еси возведение роду человеческому и в печалях скорая Утешительница. За толикыя же Твоя милости до последнего моего издыхания славословити тя имам, о Всеблагословенная! Аминь.

**5 (18) февраля - икона Божией Матери «ВЗЫСКАНИЕ ПОГИБШИХ»**

**- молятся при головной и зубной боли, лихорадке, болезни глаз, о вразумлении отпавших от веры православной, погибающих детях, о благодатном браке и от пристрастия к винопитию.**

### **Тропарь, глас 4:**

Взыщи нас, погибающих Пресвятая Дево, / не по грехом бо нашим наказуеши нас, / но по человеколюбию милуеши: / избави нас от ада, болезни и нужды / и спаси нас.

### **Молитва**

О, Пресвятая и Препоблагословенная Дево, Владычице Богородице, Споручнице грешных и Взыскание погибших! Призри милостивым Твоим оком на нас, предстоящих пред святою иконою Твоею и со умилением молящихся Тебе: воздвигни нас из глубины греховныя, просвети ум наш омраченный страстьми, и уврачуй язвы душ и телес наших. Не имамы иныя помощи, не имамы иныя надежды, разве Тебе, Владычице: Ты веси вся немощи и согрешения наша, к Тебе прибегаем и вопием: не остави нас Твоею небесною помощию, но предстани нам присно, и Твоим неизреченным милосердием и щедротами спаси и помилуй нас погибающих. Даруй нам исправление греховныя жизни нашея и избави нас от скорбей, бед и болезней, от напрасныя смерти, ада и вечныя муки. Ты бо, Царице и Владычице, скорая помощница и заступница всем притекающим к Тебе, и крепкое прибежище грешников кающихся. Подаждь убо нам, преблагая и всенепорочная Дево, христианский конец живота нашего мирен и непостыден и сподоби нас Твоим ходатайством вселитися в обителех небесных, идеже непрестанный глас празднующих радостию славит Пресвятую Троицу, Отца и Сына и Святаго Духа, ныне и присно и во веки веков. Аминь.

**12 (25) февраля - икона Божией Матери «ИВЕРСКАЯ»**

**(празднуется во Вторник Светлой Седмицы) -**

**молятся об избавлении от разных напастей и об**

**утешении в бедах, от пожара, об умножения**

**плодородия земли.**

### **Тропарь, глас 1:**

*От святых икон Твоя, / о Владычице Богородице, / исцеления и цельбы подаются обильно / с  
верою и любовью приходящим к ней: / тако и мою немощь посети / и душу мою помилуй, Благая, / и  
тело исцели благодатию Твоею, Пречистая.*

### **Молитва**

О, Пресвятая Госпоже Владычице Богородице, приими недостойную молитву нашу, и сохрани нас от навета злых человек и от напрасныя смерти, и даруй нам прежде конца покаяние, на моление наше умилосердися, и радость в печали места даруй. И избави нас, Госпоже, от всякия беды и напасти, скорби и печали и от всякаго зла. И сподоби нас, грешных рабов твоих, одесную стати во втором пришествии Сына Твоего, Христа Бога нашего, и наследники нас быти сподоби царствия небеснаго и жизни вечныя, со всеми святыми в безконечныя веки веков. Аминь.

**21 (6) февраля - икона Божией Матери**

**«КОЗЕЛЬЩАНСКАЯ» - молятся при различных  
телесных повреждениях, травмах.**

### **Тропарь, глас 4:**

*Веселися, земле Полтавская / и все Отечество наше православное: / се бо яко светозарное  
солнце, / явися пречудная икона Твоя, Преподобная Богомати, / мир озаряючи множеством чудес  
Твоих, / теми убо обретаем, яже на земли, вся благая и полезная, / и сущих, яже на Небеси, сокровищ  
сподобляемся. / Сего ради вопием Ти: / радуйся, Похвало наша при-снопоклоняемая, / спаси ны,  
молящиеся Тебе, / единая Надеж-до и Радование вечное поющих Тя.*

### **Молитва**

Богородице Дево Пренепорочная Мати Христа Бога нашего, Заступнице всего рода Христианского!  
Чудотворней иконе Твоей благоговейне предстояще, молим Тя, услыши нас молящихся Тебе: прими  
благодарения наша недостойная о всех неизреченных Твоих к нам благодеяниях, в месте сем и во многих  
всях и градех земли Российския явленных и являемых: Ты бо еси больных исцеление, скорбящих  
утешение, заблудших исправление и вразумление. Буди всем нам покров и утешение, пристанище от  
всяких зол, бед и обстояний, от глада, труса, потопа, огня, меча, нашествия иноплемеников, смертонос-ных  
язвы и от злых человек озлобления. О Премилосердная Мати, буди присно молитвенница  
любвеобильная о благосостоянии святого храма сего, о мире и тишине жительства общины сея, укрепи и  
поддержи священнодействующья и служащья во святем храме сем: осени вседержавным покровом  
Твоим строители и благотворители святяя обители сея, воздаждь им вечными дарами щедрот Твоих: заступи  
от всякия напасти и сохрани с верою и благоговением притекающия к чудотворней иконе Твоей и  
молящиеся Тебе с любовию zde и на всяком месте. Вознеси молитвы наша, яко кадило благовонное,  
ко Престолу Всевышняго, дарующаго нам здравие, долгоденствие и в трудах благочестивых поспешение,  
да Твоим окормлением управляеми, и покровом Твоим осеняеми, прославим Отца, Сына и Святого Духа и  
Твое Матернее о нас заступление, всегда, ныне и присно и во веки веков. Аминь.

**(15) марта - икона Божией Матери «ДЕРЖАВНАЯ»**

**- молятся о правде, сердечной радости, нелицемерной любви друг к другу, о мире в стране и сохранении России.**

### **Тропарь, глас 4:**

*Ангелов лица благоговейно Тебе служат,/ и вся Небесныя силы немолчными гласы Тя ублажают,  
Богородице Дево,/ усердно молим Тя, Владычице,/ да пребудет Божественная благодать/ на честней  
иконе Твоей Державней,/ и светозарный луч славы чудес Твоих да нисходит от нея/ на всех, с верою  
Тебе молящихся/ и вопиющих Богу: аллилуиа.*

### **Молитва**

О мира Заступнице, Матерь Всепетая, со страхом, верою и любовью припадающе пред честною иконою Твоею Державною, усердно молим Тя: не отврати лица Твоего от прибегающих к Тебе, умоли, Милосердная Матерь Света, Сына Твоего и Бога нашего, Сладчайшего Господа Иисуса Христа, да сохранит в мире страну нашу, да утвердит державу нашу в благоденствии, да избавит нас от междоусобныя брани и укрепит Святую Церковь нашу Православную, да незыблему соблюдет ю от неверия, раскола и ересей. Не имамы бо иныя помощи, не имамы иныя надежды, разве Тебе, Пречистая Дево: Ты еси Всесильная христиан Заступница пред Богом, праведный гнев Его умягчающая. Избави всех, с верою Тебе молящихся, от падений греховных, от навета злых человек, от глада, скорбей и болезней. Даруй нам дух сокрушения, смирения сердца, чистоту помышлений, исправление греховныя жизни и оставление согрешений наших, да вси благодарив воспевающе величия Твоя, сподобимся Небеснаго Царствия и тамо со всеми святыми прославим Пречистое и великолепное Имя в Троице слави-мага Бога: Отца, Сына и Святаго Духа. Аминь.

## **6 (19) марта - икона Божией Матери «БЛАГОДАТНОЕ НЕБО»**

**- молятся о наставлении на путь, ведущий ко спасению и наследию Царствия Небеснаго.**

### **Тропарь, глас 6:**

*Что Тя наречем, о Благодатная?/ Небо? - яко возсияла еси Солнце Правды;/ рай? - яко прозябла еси Цвет нетления;/ Деву? - яко пребыла еси нетленна;/ Чистую Матерь? - яко имела еси на святых Твоих объятиях Сына, всех Бога./ Того моли спастися душам нашим.*

### **Молитва**

Что Тя наречем, о Благодатная Богомати Богоотроковице, Пренепорочная Марие? Киими песнопении возвеличим Тя, возвеличенную Небом и землею, Ангелами и человеки? Явися бо на Тебе неслышанное от века на земли и несведомое Ангелами на Небеси таинство, паче ума и слова, вочеловечения Бога Слова, рожденного сыскони от Безначального Отца без матери и воплощенного в Твоей утробе и с нетленною печатью девства Твоего родившагося. О, чудо всех древних и новых чудес! Непреложное слово Самого Бога о победоносном семени жены и исполнися и совершился в Безмужней Деве. О, неизмеримая глубина премудрости и величия Божия! Киими имени наречем Тя, о Невеста Невестная? Зарю ли наречем Тя восходящаго на небе солнца? Но Ты - само Небо, из Тебе бо возсия Солнце Правды - Христос Бог наш, Спаситель грешных. Именуем ли Тя вратами, вводящими в потерянный прародителями рай, обиловавший всеми благами? Но Ты Сама еси благодатный рай, произрастившая Цвет нетления, врачующий смердение греха и зловоние прародительскаго тления. Наречем познавшей брака? Но Ты и до старости пребыла Неискусобрачною и девственною до рождения, и в рождении, и по рождении Сына пребыла еси. Наименуем ли Тя Чистою и Святою Мариною, превозшедшею Своею чистотою всех матерей и проматерей? Но Ты не токмо родила Того Младенца Христа, но и носила Его при Своих персех и питала Твоим матеродевственным млеко, Того, Иже питает всякое создание. Емуже со страхом и трепетом предстоят Небесныя силы и Его же хвалит всякое дыхание и тварь. О, воистину Ты дивная еси в женах, чудная в девах, неподражаемая в матерех! К Тебе пред Твоими святыми стопами повергаем и слагаем все наши мысли, желания, намерения и чувства. Освяти их Твоим Богоматерним призрением и вознеси их, яко жертву нашего смиренного сердца, яко малоценную лепту нашей духовной нищеты, к Престолу Сына Твоего, Спасителя нашего, да имиже весть судьбами управит наш путь ко спасению и наследию Царствия Его, не имущаго конца во веки веков. Аминь.

**7 (20) марта (29 (11) мая)**

**- икона Божией Матери «СПОРУЧНИЦА ГРЕШНЫХ» молятся во время греховного омрачения, во всяком унынии, отчаянии и скорби душевной.**

### **Тропарь, глас 4:**

умолкает ныне всякое уныние/и страх отчаянияисчезает,/грешницы в скорби сердца обретаю  
утешение/и Небесною любовью озаряются светло:/ днесь бо Матерь Божия простирает нам  
спасающую руку/ и от Пречистаго образа Своего вещает глаголя:/Аз Споручница  
грешныхМоемуСынууСейдал Мне за нихруце слышат Мя выну./Темже, людие, обремененнии грехи  
многими, припадите к подножию иконы Ея, со слезами вопиющие: Заступнице мира, грешным Споручнице,  
умоли Матерними Твоими молитвами Избавителя всех,/ да Божественным всепрощением покрывает грехи  
наша/и светлыядвери райския отверзетнам./ Ты бо еси предста-тельницаистсениерощхристианского.

### **Молитва 1**

О, Владычица Преблагословенная, Защитнице рода христианского, прибежище и спасение притекающих к Тебе! Вем, воистину вем, яко зело согреших и про-гневах, Премилостивая Госпоже, рожденного плотию от Тебе Сына Божия, но имам многие образы прежде мене прогнававших Его благоутробие: мытари, блудницы и прочия грешники, имже дадеся прощение грехов их, покаяния ради и исповедания. Тыя убо образы помилованных очесем грешныя души моя представляя и на толи-кое Божие милосердие, онех преемшее, взирая, дерзну и аз, грешный, прибегну™ с покаянием ко Твоему благоутробию. О, Всемилостивая Владычице, да подаси ми руку помощи и испросиши у Сына Твоего и Бога матерними и святейшими Твоими молитвами тяжким моим грехом прощение. Верую и исповедую, яко Той, Егоже родила еси, Сын Твой, есть

воистинну Христос, Сын Бога Живаго, Судия живых и мертвых, воздаяй комуждо по делом его. Верую же паки и исповедую Тебе быти истинную Богородицу, милосердия источник, утешение плачущих, взыскание погибших, сильную и неперестающую к Богу Ходатаицу, зело любящую род христианский, и Споручницу покаяния. Воистину бо несть человеком инья помощи и покрова, разве Тебе, Госпоже Премилостивая, и никтоже, уповая на Тя, постыдеса когда и, Тобою умоляя Бога, никтоже оставлен бысть. Того ради молю Твою неисчетную благодать: отверзи двери милосердия Твоего мне, заблудшему и падшему в темение глубины, не возгнушайся мене, сквернаго, не презри грешнаго моления моего, не остави мене, окаяннаго, яко в погибель злобный враг похитити мя ищет, но умоли о мне рожденнаго от Тебе милосердаго Сына Твоего и Бога, да простит великия моя грехи и избавит мя от пагубы моея; яко да и аз со всеми, получившими прощение, воспою и прославлю безмерное милосердие Божие и Твое непостыдное о мне заступление в жизни сей и в нескончаемом веце. Аминь.

## Молитва 2

К кому возопию, Владычице, к кому прибегну в горести моей, аще не к Тебе, Царице Небесная? Кто плач мой и воздыхание мое примет и молениям нашим скоропослушливо внимлет, аще не Ты, Всеблагая Споручнице, всех наших радостей Радость? Услыши же и нынешния песнопения и моления, и о мне грешнем Тебе приносимыя. И буди мне Мати и Покровительница и радости Твояе всем нам Подательница. Устрой жизнь мою, якоже хочещи и якоже веси. Вручаю бо себе Твоему покрову и промыслению, да радостно всегда пою Тебе со всеми: Радуйся, Благодатная; радуйся, Обрадованная. Радуйся, Препоблагодатная; радуйся, Препрославленная во веки. Аминь.

**9 (22) марта - Албазинская икона Божией Матери**

**«СЛОВО ПЛОТЬ БЫСТЬ» - молятся ожидающие ребенка и при  
трудных родах.**

### **Молитва**

Богородице Дево, Пренепорочная Мати Христа Бога нашего, Заступнице рода христианского! Пред чудотворною иконою Твоею предстояше, отцы наши молиша Тя, да явиши покров Твой и заступление стране приамурстей. Темже и мы ныне молим Тя: град наш и страну сию от нахождения иноплеменных соблюди и от междоусобныя брани сохрани. Даруй миру мир, земли плодов изобилие; сохрани во святыни пастырей наших, во святых храмах труждающихся: осени вседержавным покровом твоим строителей и благотворителей их. Утверди в правоверии и единомыслии братии наших: заблудших же и отступль-ших от православныя веры вразуми и соедини Святей Церкви Сына Твоего. Буди всем притекающим к чудотворней иконе Твоей покров, утешение и пристанище от всяких зол, бед и обстояний, Ты бо еси больных исцеление, скорбящих утешение, заблудших исправление и вразумление. Приими моления наша и вознеси я ко Престолу Всевышняго, яко да Твоим пред-стательством соблюдаеми и покровом Твоим осеняеми, прославим Отца и Сына и Святаго Духа, ныне и присно и во веки веков.

Аминь.

**14 (27) марта - икона Божией Матери «ФЕОДОРОВСКАЯ»**

**- молятся при трудных родах.**

### **Тропарь, глас 4:**

*Пришествием честныя Твоя иконы, Богоотроковице,/ обрадованный днесь Богохранимый град  
Кострома,/ якоже древний Израиль к кивоту Завета,/ притекает ко изображению лица Твоего/ и  
воплотившагося от Тебе Бога нашего,/ да Твоим Матерним к Нему предстательством/ присно  
ходатайствуеши всем,/ под сень крова Твоего прибегающим,/ мир и велию милость.*

## Молитва

О, Премилосердая Госпоже, Царице, Богородице, прими смиренное моление наше, и не отрини нас, заступление и прибежище наше, и не возгнушайся нас, недостойных, но, яко Милосердая, не престани молящи, Егоже родила еси, да дарует нам прощение многих согрешений наших, да спасет нас, имиже весть судьбами. Помилуй нас, Владычице, помилуй нас, несмы бо нам спасения от дел. Темже верно вопием Ти: помилуй рабы Твоя и неплодное сердце наше покажи плодоносно благих дел. Призри на нас, недостойных, Ты бо упование и покров наш, жизнь и свет сердцу нашему. Яко Невечерний Свет от чрева Твоего воздвигшая, озари душу нашу, Чистая, и отже-ни всяку мглу сердца нашего. Даруй нам умиление, покаяние и сокрушение сердечное. Сподоби нас по вся дни живота нашего творити волю Сына Твоего и Бога нашего и во всем благоугождати Ему Единому. О, Богомати, не престани молящи Рождшагося от Тебе за вся, притекающая с верою к сему чудотворному образу Твоему, и подавай им скорую помощь и утешение в скорбех и напастех и злостраданиих, избави их от клеветы и злобы человеческия, от враг видимых и невидимых и всякия нужды и печали. Спаси отечество наше, град сей и вся грады и страны от всяких бед и нужд и сотвори милостива нам быти Бога нашего, отврати всякий гнев Его, на ны движимый, и избави ны от належащаго и праведнаго Его прещения. О, бого-любивая Владычице, Ангелов украшение, мучеников славо и всех святых радосте, с ними моли Господа, да сподобит нас в покаянии скончати живота нашего течение. В смерти же час, Пресвятая Дево, избави нас от власти бесовския и осуждения, и ответа, и страшнаго испытания, и мьгарств горьких, и огня вечнаго, да, сподобльшеся славнаго Царствия Божия, величаем Тя и славим воплощагося от Тебе Христа, Бога нашего, Емуже слава со Отцем и Святым Духом, ныне, и присно, и во веки веков. Аминь.

**16 (29) марта икона Божией Матери « ИЛЬИНСКО-ЧЕРНИГОВСКАЯ »  
молятся об исцелении от паралича, оспы, болезни ног, нападения  
темных сил, от внезапной смерти.**

Тропарь, глас 5:

*Пречистая Владычице Богородице, / упование всех христиан, / понеже инаго упования не имамы  
разве Тебе, / Всенепорочная Владычице моя, Госпоже Богородице, / Матери Христа Бога моего. /  
Темже помилуй и избави мя от всех зол моих / и умоли Милостиваго Сына Своего и Бога моего, / да  
помилует окаянную душу мою, / и да избавит мя от вечныя муки, и сподобит мя Царствия Своего.*

Молитва

О, Пресвятая Госпоже, Владычице моя Богородице, небесная Царице, спаси и помилуй мя,  
грешного раба Твоего, от напрасныя клеветы, от всякия беды и напасти и внезапныя смерти. Помилуй мя в  
дневных часех, и утренних, и вечерних, и во всякое время сохрани мя: стояща, сидяща соблюди, и на вся-  
ком пути ходяща, и в ночных часех спяща снабди, покрый и заступи. Защити мя, Владычице Богородице,  
от всех враг моих, видимых и невидимых, и от всякаго злаго обстояния. На всяком месте и на всякое  
время буди ми, Мати Преблагая, неборимая стена и крепкое заступление. О, Пресвятая Госпоже Владычице  
Дево Богородице, приими недостойную молитву мою и сохрани мя от напрасныя смерти, и даруй ми  
прежде конца покаяние. Пресвятая Богородице, спаси нас. Ты мне хранительница жизни всей явися,  
Пречистая! Ты мене избави от бесов в час смерти! Ты и по смерти упокой! Под Твою милость прибегаем,  
Богородице Дево, молений наших не презри в скорбех, но от бед избави нас, едина чистая и  
благословенная. Пресвятая Богородице, спаси нас. Аминь.

**3 (16) апреля - икона Божией Матери «НЕУВЯДАЕМЫЙ ЦВЕТ» - молятся о сохранении чистой и праведной жизни. Также она помогает в правильном выборе супруга или супруги. Чистая и пламенная молитва к этой иконе помогает в разрешении тяжелых семейных проблем. Совершается много исцелений больных.**

### Тропарь:

*Радуйся, Богоневесто, жезле тайный, Цвет Неувядаемый процветший, радуйся Владычице, Еюже радости наполняем и жизнь наследствуем.*

### Молитва

О, Пресвятая и Пренепорочная Мати Дево, надеждо христиан и прибежище грешным! Защити всех в несчастиях к Тебе прибегающих услыши стенания наша, приклони ухо Твое к молению нашему. Владычице и Мати Бога нашего, не презри требующия Твоя помощи и не отрини нас грешных, вразуми и научи нас: не отступи от нас, рабов твоих, за роптание наше. Буди нам Мать и Покровительнице, вручаем себе милостивому покрову Твоему. Приведи нас грешных к тихой и безмятежней жизни; да оглачем грехи наши. О, Мати Марие, наша преблагая и скорая Заступнице, покрый нас Своим ходатайством. Защити от врагов видимых и невидимых, умягчи сердца злых людей, возстающих на нас. О, Мати Господа Творца нашего! Ты корень девства и неувядающий цвет чистоты и целомудрия, пошли помощь нам немощным и обуреваемым плотскими страстьми и блуждающими сердцами. Просвети наши душевныя очи, да видим пути правды Божия. Благодатию Сына Твоего укрепи нашу слабую волю во исполнение заповедей, да избавимся от вся-кия беды и напасти и оправданы будем Твоим пречудным заступлением на страшном суде Сына Твоего. Емуже мы воздаем славу, честь и поклонение ныне и присно, и во веки веков. Аминь.

**12 (25) апреля - икона Божией Матери «МУРОМСКАЯ» - молятся о даровании духа разума, благочестия, милосердия, кротости, чистоты и правды, о сохранении града и страны христианской.**

### Тропарь, глас 4:

*Днесь светло красуется град Муром, / яко зарю солнечною, восприемши, Владычице, / чудотворную Твою икону, / к нейже ныне мы притекающе и молящеся, Тебе взываем сице: / о Пречудная Владычице Богородице, / молися из Тебе воплощенному Христу Богу нашему, / да избавит град сей и вся грады и страны христианския / невредимы от всех навет вражиих / и спасет души наша, яко Милосерд.*

### Молитва

О, Пресвятая Дево Мати Господа Вышних Сил, Небесе и земли Царице, града и страны нашае Всемощная Заступнице! Услыши нас, молящихся Тебе, и спроси у Бога, Сына Твоего, пастырем нашим ревность и бдение о душах, градоправителем - мудрость и силу, судиям - правду и нелицеприятие, наставником - разум и смиренномудрие, супругом - любовь и согласие, чадом - послушание, обидимым - терпение, обидящим - страх Божий, скорбящим - благодушие, радующимся - воздержание. Нам же всем ниспосли дух разума и благочестия, дух милосердия и кротости, дух чистоты и правды. Ей, Госпоже Пречистая!

Умилосердися на немощныя люди Твоя: рассеянныя собери, заблудшия на путь правый настави, недугующия уврачуй, старость поддержи, юныя уцеломудри, младенцы воспитай и призри на всех нас призрением милостиваго Твоего заступления. Милостива нам буди zde и на Страшном Суде Сына Твоего. Ты бо еси, Госпоже, слава Небесных и упование земных, Ты по Бозе наша надежда и Заступница всех, притекающих к Тебе с верою. Тебе убо молимся и Тебе, яко Всемогущей Помощнице, сами себе и друг друга и всю жизнь нашу предаем, ныне, и присно, и во веки веков. Аминь.

**Пятница Светлой седмицы - икона Божией Матери «ЖИВОНОСНЫЙ ИСТОЧНИК» - молятся страждущие телесными недугами, страстями и душевными немощами, обращающиеся к Ней с верою получают исцеления.**

Тропарь, глас 4:

*Почерпнем, человецы, цельбы душам и телом молитвою,/ Река бо всем предтечет -  
Пречистая Царица Богородица,/ ис-точающи нам чудную воду/ и измывающи сердца черноты,/  
греховные струпы очищающи,/ души же освящающи верных/ Божественною благодатию.*

Молитва

Царице моя преблагая, надеждо моя Богородице, прибежище сирых и странных Предстательнице, скорбящих радости, обидимых Покровительнице! зриши мою беду, зриши мою скорбь: помози ми яко немощну, окорми мя яко странна. Обиду мою веси, разреши ту, якоже волиши: яко не имам иныя помощи разве Тебе, ни иныя Предстательницы, ни Благия Утешительницы, токмо Тебе, о Богомати, яко да сохраниши мя и покрыеши во веки веков. Аминь.

## 5 (18) мая - икона Божией Матери «НЕУПИВАЕМАЯ ЧАША»

- молятся об исцелении одержимых недугом страсти пьянства.

### Тропарь, глас 4:

*Днесь притецем вернии/ к Божественному и пречудному образу Пресвятыя Богоматери,/ напояющей верных сердца/ небесною Неупиваемою Чашею Своего милосердия/ и людем верным чудеса показующей./ Яже мы видяще и слышаще/ духовно празднуем и тепле вопием:/ Владычице премилостивая,/ исцели наша недуги и страсти/ молящи Сына Твоего Христа Бога нашего/ спасти души наша.*

### Молитва

О, Премилосердная Владычице! К Твоему заступлению ныне прибегаем, молений наших не презри, но милостивно ус-лыши нас: жен детей, матерей и тяжким недугом пьянства одержимых и от Матери - Церкви Христовой и спасения отпадающих братиев, сестер и сродник наших исцели.

О, Милостивая Мати Божия, коснися сердец их и скоро возстави от падений греховных и ко спасительному воздержанию приведи их. Умоли Сына Своего Христа Бога нашего, да простит нам согрешения наша и не отвратит милости Своея от людей Своих, но да укрепит нас в трезвости и целомудрии.

Прими, Пресвятая Богородице, молитвы матерей, о ча-дех своих слезы проливающих, жен, о мужех своих рыдающих, чад сирых и убогих, заблудшими оставленных, и всех нас, к иконе Твоей припадающих. И да придет сей вопль наш молитвами Твоими ко Престолу Всевышняго.

Покрый и соблюди нас от лукаваго ловления и всех вра-жиих, в страшный же час исхода нашего помози пройти нам непредкновенно воздушная мытарства, да молитвами Твоими избавимся вечнаго осуждения, и да сподобимся Царствия Небеснаго во веки веков. Аминь.

**11 (23) июня -икона Божией Матери «МИЛЮЩАЯ» или «ДОСТОЙНО  
ЕСТЬ» -**

***молятся при душевных и телесных болезнях, при окончании  
всякого дела.***

**Тропарь, глас 4:**

*Притецем, вернии, со дерзновением / к милующей Царице Богородице / и умильно воззовем к  
ней: / низпосли на ны милости Твоя богатыя: / Церковь нашу сохрани, / люди во благоденствии  
соблуди, / землю нашу избави от всякаго обстоя-ния, / мир даруй миру / и спасение душам нашим.*

**Молитва 1**

*Достойно славимая и праведно от всех горних чинов ублажаемая, яко без сравнения их  
превосходящая, Бога и Творца всяческих рождшая, паче всех возвеличенная, Пречудная Владычице!  
Молися из Тебе воплощенному Христу Богу нашему, да призрит на ны люди безответныя, да сохранит нас  
невредимых от всех навет вражиих и злых клевет, много бо может Твоя Матерняя молитва, по реченному:  
проси, Мати моя, не отвращая, но вся прошения Твоя исполню. Сего ради, радостью о сем  
исполняеми, взываем Ти: спаси, Владычице, погибающыя рабы твоя, просвети омраченныя  
суетумдрствованьми века сего и приведи ны ко сладчайшему Иисусу, да вечно радующеся взываем:  
слава Отцу, слава Сыну, слава Святому Духу, слава и Тебе Преславней и Пренепорочней Деве Богоматери,  
ублажае-мей и благословляе-мей в безконечныя веки веков. Аминь.*

**Молитва 2**

*О Пресвятая и Премилостивая Владычице Богородице! Припадая к святей иконе Твоей, смиренно  
молимся Тебе, вон-ми гласу моления нашего, виждь скорби, виждь беды наша и, яко любвеобильная  
Мати, потщися на помощь нам беспомощ-ным, умоли Сына Твоего и Бога нашего: да не погубит нас за  
беззакония наша, но явит нам человеколюбно свою милость. Испроси нам, Владычице, у благодати Его  
телесное здравие и душевное спасение, и мирное житие, земли плодоносие, воздуха благорастворение, и  
благословение свыше на вся благая дела и начинания наша... И якоже древле призрела еси милостиво на  
смиренное славословие послушника Афонскаго, воспевавшего Тя пред пречистою иконою Твоею и*

послала еси к нему Ангела научити его пети песнь небесную, еуже славословят Тя Ангели; тако и ныне прими наше усердное молитвословие, Тебе приносимое. О Царице Всепетая! Прости ко Господу богоносная Твоя рука, иже Богомладенца Иисуса Христа носила еси, и умоли Его избавити нас от всякаго зла. Яви, Владычице, Твою милость к нам: болящая исцели, скорбящая утешити, бедствующим помози и сподоби нас благо-честно житие сие земное совершити, христианскую непостыдную кончину получитьи и Небесное Царствие наследити матерним ходатайством Твоим к Рождшемуся от Тебе Христу Богу нашему, Емуже со Безначальным Его Отцем и Пресвятым Духом подобает всякая слава, честь и поклонение ныне и присно, и во веки веков. Аминь.

**18 (1) июня - икона Божией Матери «БОГОЛЮБСКАЯ»**

**- молятся при эпидемиях моровой язвы, чумы, холеры.**

### **Тропарь, глас 1:**

Боголюбивая Царице,/ Неискусомужная Дево, Богородице Марие,/ моли за ны Тебе Возлюбившаго / и рождагося от Тебе Сына Твоего, Христа Бога нашего,/ подати нам оставление прегрешений, миру мир, земли плодов изобилие,/ пастырем святыню / и всему человечу роду спасение./ Грады наша и страны Российския от нахождения иноплеменных заступи / и от междо-усобныя брани сохрани./ О Мати Боголюбивая Дево! О, Царице Всепетая!/ Ризою Своею покрый нас от всякаго зла,/ от видимых и невидимых враг защиты / и спаси души наша.

### **Молитва**

О, Пречистая Госпоже Богородице, Мати Боголюбивая, надеждо нашего спасения! Воззри милостивно на предстоящая с верою и любовию и поклоняющиеся пречистому образу Твоему, прими наше хвалебное пение сие и пролей теплую Твою молитву о нас, грешных, ко Господу, да презрев вся наша согрешения, спасет и помилует нас. О, Предивная Владычице! Покажи на нас чудная милости Твоя: избави нас от всякия скорби, настави на путь всякия добродетели и благостыни, спаси от искушений, бед и болезней, изми от нас оклеветания и ссоры, сохрани от молниеноснаго

грома, от запаления огненнаго, от глада, труса, потопа и смертоносныя язвы, подай нам Свою милостивую помощь на пути, в мори и на суше, да не погибнем люте. О, Всемилостивая Боголюбивая Мати, с твердым упованием возсылаем к Тебе нашу убогую молитву! Не отрини наших слез и вздыханий, не забуди нас во вся дни живота нашего, но всегда пребывай с нами и подаждь нам отраду, утешение, защиту и помощь, да выну славим и величаем преблагословенное и всепетое имя Твое. Аминь.

**23 (6) июня - икона Божией Матери «ВЛАДИМИРСКАЯ» - молятся об избавлении от нашествия иноплеменных, об укреплении православной веры, о сохранении от ересей и расколов, об умирении враждующих, о сохранении России.**

#### Тропарь, глас 4:

*Днесь светло красуется славнейший град Москва,/ яко зорю солнечную, восприемши, Владычице, чудотворную Твою икону,/ к нейже ныне мы, притекающе и молящися Тебе, взываем сице:/ о, пречюдная Владычице Богородице!/ Молися из Тебе воплощенному Христу Богу нашему,/ да избавит град сей и вся грады и страны христианския невредимы от всех навет вражиих/ и спасет души наша, яко Милосерд.*

#### Молитва

К кому возопием, Владычице; К кому прибегнем в горести нашей, аще не к Тебе, Царице Небесная; Кто плачь наш и воздыхание примет, аще не Ты, пренепорочная, надеждо христиан и прибежище нам грешным; Кто паче Тебе в милости; Приклони ухо Твое к нам, Владычице, Мати Бога нашего, и не презри требующих Твоя помощи: услыши стенания наше, подкрепи нас грешных, вразуми и научи, Царице Небесная, и не отступи от нас раб Твоих, Владычице, за роптание наше, но буди нам Мати и заступнице, и вручи нас милостивому покрову Сына Твоего: устрой о нас, како угодно будет Святей Твоей воли, и приведи нас грешных к тихой и безмятежной жизни, да плачемся о гресех наших, да возрадуемся же с Тобою всегда, ныне и присно и во веки веков. Аминь.

## **26 (9) июня - икона Божией Матери «ТИХВИНСКАЯ»**

**- молятся о прозрении слепых, исцелении бесноватых, при  
болезнях детей, расслаблении суставов, при параличе, падучей  
болезни, от нашествия  
иноплеменных.**

### **Тропарь, глас 4:**

*Днесь, яко солнце пресветлое, / возсия нам на воздухе всечестная икона Твоя, Владычице, /  
лучами милости мир просвещающи, / юже великая Россия, / яко некий дар Божественный свыше  
благоговейне восприемше, / прославляет Тя, Бого-мати, всех Владычицу, / и от Тебе рождшагося  
Христа Бога нашего величает радостно. / Емуже молися, о Госпоже Царице Богородице, / да  
сохранит вся грады и страны христианския / невредимы от всех навет вражих / и спасет верою  
поклоняющихся Его Божественному / и Твоему пречистому образу, / Дево Неискусобрачная.*

### **Молитва**

Благодарим Тя, о Преплагая и Пречистая, Преплагословенная Дево, Владычице, Мати Христа Бога  
нашего, о всех благодеяниях Твоих, яже показала еси роду человеческому, наипаче же нам,  
христоименитым людям Российскаго народа, о них-же ниже самый ангельский язык к похвалению  
доволен будет, якоже и ныне удивила еси неизреченную Свою милость на нас, недостойных рабех твоих,  
преестественным самопришествием пречистыя Твоя иконы, еюже всю просветила еси Российскую  
страну. Темже и мы, грешнии, со страхом и радостию поклоняющиеся, вопием Ти: о, Пресвятая Дево,  
Царице и Богородице, спаси и помилуй Святейшаго Патриарха Московскаго и всея Руси, архиереи же и  
вся люди, и подаждь стране победы на вся враги, и сохрани вся грады, и страны христианския, и сей свя-тый  
храм от всякаго навета вражия избави, и всем вся на пользу даруй, ныне пришедшим с верою и молящимся  
рабом Твоим, и поклоняющимся пресвятому образу Твоему, яко благословенна еси с рождшимся от Тебе  
Сыном и Богом ныне, и присно, и во веки веков. Аминь.

**28 (11) июня (12 (25) июля) - икона Божией Матери «ТРОЕРУЧИЦА» -  
молятся при болезнях рук, ног, душевном беспокойствии, при  
пожаре.**

**Тропарь, глас 4:**

*Днесь всемирная радость возсия нам велия: / даровася святей Горе Афонстей / цельбоносна  
Твоя, Владычице Богородице, икона, / со изображением тричисленно и нераздельно пречистых рук  
Твоих / в прославление Святыя Троицы, / созывавши бо верных и молящихся Тебе о сем познати, / яко  
двема Сына и Господа держиши, / третью же яви на прибежище и покров чтущим Тя, / от всяких  
напастей и бед избавляти, / да вси, притекающий к Тебе, верою приемлют неоскудно от всех зол  
свобождение, / от врагов защищение, / сего ради и мы вкупе со Афоном вопием: / радуйся, Благодатная,  
Господь с Тобою.*

**Молитва**

О, Пресвятая и Преблагословенная Дево Богородице Ма-рие! Припадаем и поклоняемся Ти  
пред святою троеручною иконою Твоею, воспоминаая преславное чудо Твое исцелением усе-ченныя  
десницы праведнаго Иоанна Дамаскина, от иконы сея явленное, егоже знамение дньне видимо есть на  
ней, во образе третия руки, к изображению Твоему приложенныя. Молимся Ти и просим Тя, Всеблагую и  
Всещедрую рода нашего Заступницу: услыши нас, молящих Ти ся, и якоже блаженнаго Иоанна, в скорби и  
болезни к Тебе возопившаго, услышала еси, тако и нас не презри, скорбящих и болезнующих ранами  
страстей многоразличных и к Тебе от души сокрушенныя и смиренныя усердно прибегающих. Ты зриши,  
Госпоже Всемиловитая, немощи наша, озлобление наше, нужду, потребу нашу в Твоей помощи и  
заступлении, яко отвсюду врагами окружени есмы, и несть по-могающаго, ниже заступающаго, аще не Ты  
умилосердишися о нас, Владычице. Ей, молим Ти ся, вонми гласу болезненному нашему и помози нам  
святоотеческую Православную веру до конца дней наших непорочно сохранить, во всех заповедех Гос-  
подних неуклонно ходити, покаяние истинное о гресех наших всегда Богу приносить и сподобитися мирныя  
христианския кончины и добраго ответа на Страшном Суде Сына Твоего и Бога нашего, Егоже умоли за  
нас Матернею молитвою Твоею, да не осудит нас по беззакониям нашим, но да помилует нас по вели-цей  
и неизреченней милости Своей. О, Всеблагая! Услыши нас и не лиши нас помощи Твоея державная, да  
Тобою спасение получивше, воспоем и прославим Тя на земли живых и рождшагося от Тебе Искупителя  
нашего, Господа Иисуса Христа, Емуже подобает слава и держава, честь и поклонение, купно со Отцем и  
Святым Духом, всегда, ныне, и присно, и во веки веков. Аминь.

**8 (21) июля (22 (4) октября) - икона Божией Матери «КАЗАНСКАЯ»**

**- молятся о прозрении слепых очей, об избавлении от нашествия иноплемennых, является заступницей в тяжелые времена, ей благословляют вступающих в брак.**

### Тропарь, глас 4:

*Заступнице усердная,/ Мати Господа Вышняго,/ за всех молиши Сына Твоего, Христа Бога нашего,/ и всем твориши спастися,/ в державный Твой покров прибегающим./ Всех нас заступи, о Госпоже, Царице и Владычице,/ иже в напастех, и скорбех, и в болезнях обремененных грехи многими,/ предстоящих и молящихся Тебе умиленною душою/ и сокрушенным сердцем/ пред пречистым Твоим образом со слезами/ и невозвратно надежду имущих на Тя,/ избавления всех зол,/ всем полезная даруй/ и вся спаси, Богородице Дево:/ Ты бо еси Божественный покров рабом твоим.*

### Молитва

О, Пречистая Владычице Богородице, Царице Небеси и земли, вышшая ангел и архангел и всея твари честнейшая, чистая Дево Марие, миру Благая помощнице, и всем людям утверждение, и во всяких нуждах избавление! Призри и ныне, Госпоже Всемилостивая, на рабы твоя, Тебе умиленною душою и сокрушенным сердцем молящяся, со слезами к тебе припадающя Пречистому и Цельбоносному образу Твоему, и помощи и заступления Твоего просящя. О, Всемилостивая и Премилосердная Дево Богородице чтимая! Воззри Госпоже, на люди твоя: мы бо грешнии не имамы иныя помощи, разве Тебе и от Тебе рождшагося Христа Бога нашего. Ты еси заступница и предстательница наша, Ты еси обидимым защищение, скорбящим радование, сирым прибежище, вдовам хранительница, девам слава, плачущим веселие, больным посещение, немощным исцеление, грешным спасение. Сего ради, о Богомати, к Тебе прибегаем и на Твой Пречистый образ с превечным на руку Твоею держимым младенцем, Господем нашим Иисусом Христом взирающе, умиленное пение Тебе приносим и вопием: помилуй нас, Мати Божия, и прошение наше исполни, вся бо суть возможна ходатайству Твоему: яко Тебе слава подобает ныне и присно и во веки веков. Аминь.

**23 (5) июля - икона Божией Матери «ПОЧАЕВСКАЯ» - молятся об  
охранении от ересей и расколов, от нашествия иноплеменных, об  
исцелении от слепоты как  
телесной, так и духовной, об освобождении из плена.**

### **Тропарь, глас 5:**

*Пред святою Твоею иконою, Владычице, / молящийся исцелений сподобляются, / веры  
истинныя познание приемлют / и агарянская нашествия отражают. / Темже и нам, к Тебе  
припадающим, / грехов оставление испроси, / помыслы благочестия сердца наша просвети / и к  
Сыну Твоему молитву вознеси / и спасению душ наших.*

### **Молитва**

К Тебе, о Богомати, молитвенно притекаем мы, грешнии, чудеса Твоя, во святей лавре Почаевстей  
явленная, поминающе и о своих сокрушающесе прегрешениях. Вемы, Владычице, вемы, яко не  
подобаше нам, грешным, чего просити, токмо о еже Праведному Судии беззакония наша оставити  
нам. Вся бо нами в житии претерпенная, скорби же, и нужды, и болезни, яко плоды падений наших  
прозябоша нам, Богу сия на исправление наше попускающе. Темже вся сия истиною и судом Своим  
наведе Господь на грешныя рабы Своя, иже в печалех своих к заступлению Твоему, Пречистая,  
притекоша и во умилении сердец к Тебе взываем сице: грехов и беззаконий наших, Благая, не  
помяни, но паче всечестней руце Твои воздвигши, к Сыну Твоему и Богу пред-стани, да люте содеянная  
нами отпустит нам, да за премногая неисполненная обещания наша лица Своего от рабов Своих не  
отвратит, да благодати Своя, спасению нашему пособствующия, от душ наших не отымет. Ей,  
Владычице, буди спасению нашему Ходатаица и, малодушия нашего не возгнушавшися, призри на  
стенания наша, яже в бедах и скорбех наших пред чудотворным Твоим образом возносим.  
Просвети умиленными помыслы умы наша, веру нашу укрепи, надежду утверди, любве  
сладчайший дар сподоби нас прияти. Сими убо, Пречистая, дарованьми, а не болезнями и скорбьми  
живот наш ко спасению да возводится, но, от уныния и отчаяния души наша ограждающи, избави  
нас, маломощных, от находящих на ны бед, и нужд, и клеветы челове-ческих, и болезней

нестерпимых. Даруй мир и благоустроение жительству христианскому предстательством Твоим, Владычице, утверди Православную веру в стране нашей и во всем мире. Церковь Апостольскую и Соборную умалению не предаждь, уставы святых отец на веки непоколебимы сохрани и всех к Тебе притекающих от рова погибельного спаси. Еще же и ересь прельщенных братии наших или веру спасительную в греховных страстях погубивших паки ко истинной вере и покаянию приведи, да вкупе с нами, Твоему чудотворному образу поклоняющемся, Твое предстательство исповедят. Сподоби убо нас, Пресвятая Госпоже Богородице, еще в животе сем победу истины Твоим явлением победители и просветители агарян показала еси, да вси мы благодарным сердцем вкупе с Ангелы, и пророки, и апостолы, и со всеми святыми, Твое милосердие прославляюще, воздадим славу, честь и поклонение в Троице певаемому Богу Отцу, и Сыну, и Святому Духу, во веки веков. Аминь.

**28 (10) июля - икона Божией Матери «ОДИТИТРИЯ» или  
«СМОЛЕНСКАЯ».**

**Тропарь, глас 4:**

*К Богородице прилежно ныне причеснем, грешнии и смиреннии, и припадем, в покаянии зовуще  
из глубины души: Владычице, помози, на ны милосердовавши, потщися погибам от множества  
прегрешений, не отврати Твоя рабы тщи, Тя бо и едину надежду имамы.*

**Молитва**

О Пречудная и Превысшая всех тварей Царице Богородице, Небеснаго Царя Христа Бога нашего Мати, Пречистая Оди-гитрие Марие! Услыши нас грешных и недостойных в час сей молящихся и припадающих к Твоему Пречистому Образу со слезами и умиленно глаголющих: изведи нас от рова страстей, Владычице Преблагая, избави нас от всякия скорби и печали, огради от всякия напасти и злыя клеветы, и от неправеднаго и лютаго навета вражия. Можеша бо, о Благодатная Мати наша от всякаго зла сохранили люди Твоя и всяким благодеянием снабдити и спасти; разве Тебе иныя Предстательницы в бедах и обстояниях, и теплыя Ходатаицы о нас, грешных, не имамы. Умоли, Госпоже Пресвятая, Сына Твоего Христа Бога нашего, да удостоит нас Царствия Небеснаго; сего ради всегда славим Тя, яко Виновницу спасения нашего, и превозносим святое и великолепное имя Отца и Сына и Святаго Духа, в Троице славимого и поклоняемого Бога, во веки веков. Аминь.

**28 (10) июля (19 (1) июля) - икона Божией Матери «УМИЛЕНИЕ»  
или «РАДОСТИ ВСЕХ РАДОСТЕЙ» - почитаемая икона преподобным  
Серафимом Саровским, по вере просящих дает им исцеления.**

### Тропарь , глас 4:

*К Богородице со умилением припадем, / вси, грехми обремененнии, / чудотворную Ея икону  
Умиления облобызающе / и вопиюще со слезами: / Владычице, прими моление недостойных раб  
Твоих / и подаждь нам, просящим, / велию Твою милость.*

### Молитва 1

О, Пресвятая Госпоже Владычице, Богородице Дево! Приими недостойныя молитвы наша, сохрани нас от наветов злых человек и от напрасныя смерти, подаждь нам прежде и радость в печали место даруй. И избави нас, о Госпоже Владычице Богородице, от всякаго зла, и сподоби нас, грешных рабов твоих, одесную стати во втором пришествии Сына Твоего, Христа Бога нашего, и наследники нас быти сподоби Царствия Небеснаго и жизни вечныя со всеми святыми в безконечныя веки. Аминь.

### Молитва 2

Приими, всеблаготворная, Пречистая Госпоже, Владычице Богородительнице, сия честныя дары, Тебе единой прикладныя, от нас, недостойных рабов Твоих: от всех родов избранная, всех тварей небесных и земных высшая являющаяся, понеже бо Тебе ради бысть Господь Сил с нами, и Тобою Сына Божия познахом и сподобихомся святого Тела Его и пречистой Крове Его; темже блаженна еси в родех родов, Богоблаженная, херувимов светлейши и серафимов честнейши сущая. И ныне, всепетая Пресвятая Богородице, не престай молящися о нас, недостойных рабах Твоих, еже избавитися нам от всякаго совета лукаваго и всякаго обстояния и сохранитися нам неврежденным от всякаго ядовитаго прилога диавольскаго; но даже до конца молитвами Твоими неосужденных нас соблюди, яко да Твоим заступлением и помощью спасаеми, славу, хвалу, благодарение и поклонение за вся в Троице единому Богу и всех Создателю возсылаем, ныне и присно, и во веки веков. Аминь.

**8 (21) августа - икона Божией Матери «ТОЛГСКАЯ» - молятся об  
избавлении от засухи, бездождя.**

**Тропарь, глас 4:**

*Днесь светло сияет на Толге / образ Твой, Пречистая Дево Богородице, / и, яко солнце незаходимое,  
всегда верным пода-деся. / Егоже видев на воздухе, / невидимо Ангелы, яко никим, держима, /  
преосвященный епископ града Ростова Трифон / тече ко явленному светящемуся столпу огненну, / и по  
водам, яко по суху, преиде, / и молящися Ти верно о пастве и о людех. / И мы, к Тебе притекающе,  
зовем: / Пресвятая Дево Богородице, / верно Тя славящих спасай, / страну нашу, архиереев / и вся Россий-  
ския народы от всех бед избавляй / по велицей Твоей милости.*

**Молитва**

О, Пресвятая Госпоже, Дево Богородице, Вышшая Херувимов и Серафимов и  
святейшая всех святых! Ты, Всеблагая, на Толге икону Твою многоцелебную блаженному святителю  
Трифону огневидно явити благоволила еси, и ею многая и неизреченная чудеса соделала еси, и ныне  
содеваеши, по Твоему неизреченному к нам милосердию. Тебе пред пречистым образом Твоим  
припадаем и молимся, Преблагословенная рода нашего Заступнице: в странствии сем земнем,  
многоскорбнем и много-мятежнем, не лиши нас Твоего заступления и покрова держав-наго. Спаси и  
защити нас, Владычице, от разженных стрел лу-каваго врага спасения нашего. Укрепи немощную волю  
нашу к деланию заповедей Христовых, умягчи окаменелая сердца наша любовью к Богу и ближним  
нашим, даруй нам сокрушение сердечное и покаяние истинное, да, очистившися от скверны гре-ховных,  
возможем принести Творцу благоугодная Ему плоды добрых дел и сподобится мирных христианских  
кончины и ответа правого на страшнем и нелицеприятием Суде Его. Ей, Госпоже Всемиловитая! В час  
грозный смертный наипаче яви нам Твое многомощное заступление, ускори тогда на помощь к нам,  
безпомощным, и державною рукою Твоею исхити нас из власти лютаго миродержца, ибо воистинну много  
может молитва Твоя пред лицом Господа, и ничтоже невозможно ходатайству Твоему, аще токмо  
восхощеша. Темже, на святей образ Твой умиленно взирающе и пред ним, яко живей Ти сущей с нами,  
по-кланяющися, с упованием благим сами себе, и друг друга, и весь живот наш Тебе по Бозе молитвенно  
предаем и Тя величаем с рождшимся от Тебе спасителем нашим, Господем Иисусом Христом, Емуже,  
со Безначальным Его Отцем и Пресвятым Духом, подобает всякая слава, честь и поклонение, ныне и присно  
и во веки веков. Аминь.

**13 (26) августа - икона Божией Матери «СЕМИСТРЕЛЬНАЯ» -  
молятся об исцелении от холеры, хромоты и расслабления, об  
умирении враждующих.**

### Тропарь, глас 5:

*Умягчи наша злая сердца, Богородице, / и напасти ненавидящих нас угаси, / и всякую тесноту  
души нашея разреши, / на Твой бо святыи образ взирающе, / Твоим страданием и милосердием о нас  
умиляемся / и раны Твоя лобызает, / стрел же наших, Тя терзающих, ужасаемся. / Не даждь нам,  
Мати Благо-сердая, / в жестосердии нашем и от жестосердия ближних по-гибнути, / Ты бо еси  
воистину злых сердец умягчение.*

### Молитва

О, Многострадальная Мати Божия, превышшая всех дщерей земли по чистоте Своей и по  
множеству страданий, Тобой на земли пренесенных! Прими многоболезненная воздыхания наша и  
сохрани нас под кровом Твоей милости, инаго бо прибежища и теплаго предстательства, разве Тебе, не  
вемы, но, яко дерзновение имущи к Иже от Тебе Рожденному, помози и спаси ны молитвами Своими,  
да непреткновенно достигнем Царствия Небеснаго, идеже со всеми святыми будем воспевати хвалу в  
Троице Единому Богу, всегда, ныне и присно и во веки веков. Аминь.

## **13 (26) августа - икона Божией Матери «СТРАСТНАЯ»**

**- молятся об исцелении от холеры, слепые и расслабленные, от пожара.**

### **Тропарь, глас 4:**

*Днесь возсия неизреченно царствующему граду нашему Москве/ икона Богоматере,/ и яко светозарным солнцем, пришествия твоя озарися весь мир,/ Небесныя силы и души праведных мысленно торжествуют, радуящися,/ мы же, на ню взирюще, к Богородице со слезами вопием:/ о Всемилостивая Госпоже, Владычице Богородице,/ молися из Тебе воплощенному Христу, Богу нашему,/ да подаст мир и здравие всем Христианом/ по велицей и неизреченней Своей милости.*

### **Молитва**

О Пресвятая Госпоже, Владычице Богородице, Вышши еси всех Ангел и Архангел и вся твари честнейши, Помощница еси обидимых, ненадеющихся надеяние, убогих Заступница, печальных утешение, алчущих Кормилица, нагих одеяние, больных исцеление, грешных спасение, христиан всех поможение и заступление. О Всемилостивая Госпоже, Дево Богородице, Владычице, милостию Твоею спаси и помилуй раб Твоих, Великаго Господина и отца нашего Святейшаго Патриарха, и преосвященныя митрополиты, архиепископы и епископы, и весь священнический и иноческий чин, Богохранимую страну нашу, военачальники, градоначальники и христоролюбивое воинство и доброты, и вся православныя христианы ризою Твоею честною защити, и умоли, Госпоже, из Тебе без семени воплотившагося Христа Бога нашего, да препояшет нас силою Своею свыше на невидимыя и видимыя враги наша. О Всемилостивая Госпоже, Владычице Богородице, воздвигни нас из глубины греховныя и избави нас от глада, губительства, от труса и потопа, от меча, от нахождения иноплемennых и междоусобныя брани, и от напрасныя смерти, и от нападения вражия, и от тлетворных ветр, и от смертоносныя язвы, и от всякого зла. Подаждь, Госпоже, мир и здравие рабом Твоим, всем православным христианом, и просвети им ум и очи сердечныя, еже ко спасению, и сподоби ны, грешныя рабы Твоя, Царствия Сына Твоего, Христа Бога нашего, яко держава Его благословена, со Безначальным Его Отцем, и с Пресвятым и Благим и Животворящим Его Духом, ныне и присно и во веки веков. Аминь.

## 19 (1) августа - икона Божией Матери «ДОНСКАЯ»

### Молитва

О Пресвятая Владычице, Дево Богородице, Заступнице наша благая и скорая! Воспеваем Ти вси благодарственная чудная дела Твоя. Песнословим от лет древних неотъемлемое заступление Твое граду Москве и стране нашей, чудотворным образом Твоим Донским всегда являемое: в бегство обращаются полки чуждых, грады и веси невредими сохраняются, лю-дие же от лютыя смерти избавляются. Осушаются очи слезя-щая, умолкают стенания верных, плач в радость общую претворяется. Буди и нам, Пречистая Богородице, утешение в бедствиях, возрождение надежды, образ мужества, источник милости и в скорбных обстояниях неистощимое терпение нам даруй. Подаждь коемуждо по прошению и нужде его: младенцы воспитай, юныя уцеломудри и страху Божию научи, унываю-щая ободри и немощную старость поддержи. Посети в болез-нех и печалех сущия, злыя сердца умягчи, братолюбие укрепи, мира и любви всех нас исполни. Примири, Благосердая Мати, враждующия и оправдай оклеветанныя. Истреби пороки, да не восходят грехи наша пред Судиею всяческих, да не постигнет нас праведный гнев Божий. Твоими молитвами, всемошным Твоим покровом огради нас от нашествий вражиих, от глада, губительства, огня, меча и всякого инаго злострадания. Уповаем молитвами Твоими получитьи от Всевышняго Бога грехов прощение и изглаждение и с Богом примирение. Умоли стяжа-ти нам Царствие Небесное и по скончании жизни нашаю одесную Престола Божия стати, идеже Ты, о Всепетая Дево, Святей Троице в вечней славе предстоиши. Удрстой и нас с лики Ангелов и святых тамо восхвалити Пречестное Имя Сына Твоего со Безначальным Его Отцем и Всесвятым и Благим и Животворящим Его Духом во веки веков. Аминь.

**22 (6) августа - икона Божией Матери «ГРУЗИНСКАЯ»**  
**- молятся при эпидемии моровой язвы, чумы, об исцелении**  
**страдающих слепотой, глухотой.**

**Тропарь, глас 5:**

*Веселятся православнии народи, / видяще, Владычице Дево Богородице, / Твою пречудную и чудотворную икону, / и приемлют врачевство душевное и телесное Твоею милостию всегда. / Темже и мы, поклоняющесе оней, усердно Тебе вопием: / помилуй, Благая Мати, смиренныя рабы Твоя / и избави нас от всякаго зла и навета вражия, / моляци Сына Твоего, Господа Иисуса, / да, спасешся zde, Небесное жительство получим / человеколюбием и благодатию Его.*

**Молитва**

Приими, Всеблагосильная Пречистая Госпоже, Владычице Богородительнице, сия честныя дары от нас, недостойных рабов Твоих, к Твоему цельбоносному образу пение возсылающих со умилением, яко Тебе Самой сущей ту и послушающей моления наша, подающи с верою просящим по коемуждо прошению исполнение: скорбящим скорби облегчавши, немощным здравие даруещи, расслабленных и недужных исцелявши, и от бесных бесы прогониши, обидимыя от обид избавлявши, и насилуемых спасавши, грешных прощавши, прокаженных очищавши, и малых детей милуещи, и негладныя от негладства разрешавши. Еще, Госпоже Владычице, от уз и темниц свобождаеши, и всякия многоразличныя страсти исцелявши, и очныя болезни врачуещи, и от смертоносныя язвы избавлявши: вся бо возможна суть ходатайством Твоим к Сыну Твоему, Христу Богу нашему. О Всепетая Мати, Пречистая Богородице! Не престай молити о нас, недостойных рабах Твоих, славящих Тя и почитающих, и поклоняющихся пречистому образу Твоему, и надежду имущих невозвратну и веру несумненну к Тебе, Приснодеве, Преславней и Непорочней, славящих и чтущих и поющих Тя во веки веков. Аминь.

**1(14) сентября - икона Божией Матери «ЧЕРНИГОВСКО-**

**ГЕФСИМАНСКАЯ»**

**- молятся страдающие недугом беснования и при болезни глаз.**

### **Тропарь, глас 5:**

*Пречистая Владычице Богородице, упование всех христиан,/ понеже иного упования не имамы  
разве Тебе,/ Всенепорочная Владычице моя, Госпоже Богородице,/ Мати Христа Бога моего./ Темже  
помилуй и избави мя от всех зол моих/ и умоли Милостиваго Сына Своего и Бога моего,/ да помилует  
окаянную душу мою,/ да избавит мя от вечных муки, и сподобит мя Царствия Своего.*

### **Молитва**

О, Пресвятая Дево! Мати Христа Бога нашего, Царице Небесе и земли! Вонми многоболезненному  
воздыханию душ наших, призри с высоты святая Твоя на нас, с верою и любовью поклоняющихся  
Пречистому Образу Твоему: се бо, грехми по-гружаемы и скорбми обуреваемы, взирая на Твой образ,  
яко живущей Ти с нами, приносим смиренныя моления наша, не имамы бо иныя помощи, ни иного  
предстательства и утешения, токмо Тебе, о Мати всех скорбящих и обремененных. Помози нам  
немощным, утоли скорбь нашу, настави на путь правый нас заблудших, уврачуй болезненные сердца наша  
и спаси безнадежных. Даруй нам прочее время живота нашего в мире и покаянии проводить, подаждь  
христианскую кончину, и на Страшном Суде Сына Твоего явися нам милосердная Предстательница, да  
всегда поем, величаем и славим Тя Благоую Заступницу рода христианскаго, со всеми угодившими Богу.

Аминь.

**2 (15) сентября, (12 (25) октября) - икона Божией Матери  
«КАЛУЖСКАЯ» - молятся страдающие недугом расслабления,  
болезнью ушей - слуха.**

### **Тропарь, глас 4:**

*Заступнице от враг иноплеменных Необоримая Калужских земли,/ и Избавительнице от  
смертоносной язвы Милостивая!/ Избави рабы Твоя от всяких бед и болезней,/ с верою и любовью  
прибегающая к чудотворней иконе Твоей,/ и спаси души наша.*

### **Молитва**

О, Пресвятая Дево, Мати Христа Бога нашего, Дивная Царице небесе и земли! Вонми  
многоболезненному воздыханию сердец наших; призри с высоты святя Твоя на нас. с верою и  
любовию предстоящих пред чудотворною Твоею иконою и со умилением молящихся Тебе,  
Владычице! Не предаждь умалению Церковь Православную, помози нам, Пресвятая Богородице,  
святоотеческую православную веру до конца дней наших непорочно сохрани-ти, во всех заповедех  
Господних неуклонно ходити и избави ны от пагубных душевредных учений.

На Твою, Дивная Царице небеси и земли, милость уповаем раби Твои: очисти умы наша от  
греховных помыслов, душевнаго расслабления, обуревания страстей, от искушений, соблазнов и  
грехопадений: Ты бо еси, Владычице, крепкое прибежище грешников кающихся. Воздвигни нас  
из глубины греховныя и истинным покаянием ороси изсохшие сердца наша, просвети сердечные  
очи наша к зрению спасения, и прельщенных бесовскою прелестию на путь правый настави;  
всякое дело злое и богопротивное разруши; всякому же благому и богоугодному делу научи и  
споспешествуй; вложи, Владычице, в сердца наша дух страха Божия, дух благочестия, дух  
кротости, смирения, терпения, незлобия; умягчи злые сердца наша и злые благи сотвори,  
ниспосли нам ревность о спасении ближних.

Вразуми и научи ны, о, Всемилостивая Заступнице наша, како безгрешно ходити по пути  
земнаго сего жития, яко Ты, Пресвятая, веси и веру нашу и упование наше видиши, Владычице  
мира! Скорбящих утеши, бедствующим помози; сохрани от молниеноснаго грома, тлетворных

ветр, лютых болезней, смертоносная язва, междуусобная брани, нашествия врагов  
иноплеменных.

Пресвятая Богородице! Избави ны от внезапная и насиль-ственная смерти; всем нам даруй обращение на путь истинный и христианскую кончину живота нашего безболезненну, непостыдну, мирну, Святым Тайн причастну. Во время исхода нашего предстани нам, Дево Богородице, и избави ны от власти бесовския, воздушных горьких мытарств и огня вечнаго. Скончавшимся внезапною смертию милостива быти Сына Твоего умоли и о всех усопших, иже не имут сродников, о упокоении их Сына Твоего умоляющих, Сама буди непрестанная и теплая Молитвенница и Ходатаица. Преставльшихся же в вере и покаянии от временнаго жития сего отцы, братию и сестры наша сподоби Твоим ходатайством вселитися во обителех небесных со ангелы и со всеми святыми, идеже непрестанно гласы празднующих и радостно славящих Пресвятую Троицу Отца и Сына и Святаго Духа ныне и присно и во веки веков. Аминь.

**4 (17) сентября - икона Божией Матери «НЕОПАЛИМАЯ КУПИНА» -  
избавляет дома почитающих и молящихся Ей от пожаров.**

#### **Тропарь, глас 4:**

Иже во огни купины неопалимая, древле Моисеем виден-ная,/ тайну поглощения Своего от Неискусобрачная Девы Марии Пробразовавай,/ Той и ныне яко чудес Творец и всея Твари Создатель / икону Ея святую чудесы многими прослави,/ даровав ю верным во исцеление недугом и в защищение от огненнаго запаления./ Сего ради вопием Препоблагословенней:/ Надеждо христиан, от лютых бед, огня и грома избави на Тя уповающия, и спаси души наша яко Милосерда.

#### **Молитва**

О Пресвятая и Препоблагословенная Мати сладчайшего Господа нашего Иисуса Христа! Припадаем и поклоняемся Тебе пред Святою и Пречестною иконою Твоею, еуже дивная и пре-славная чудеса содеваеши, от огненнаго запаления и молние-носнаго грома жилища наша спасаеши, недужная исцелявши, и всяко благое прошение наше во благо исполнявши. Смиренно молим Тя, Всесильная рода нашего Заступнице, сподоби ны немощная и грешная, Твоего матерняго участия и благопечен-ия. Спаси и сохрани, Владычице, под кровом милости Твоя Церковь Святую, обитель сию, всю страну православную, и вся ны припадающия к Тебе, с верою и любовию, и умиленно про-сящия со слезами Твоего заступления.

Ей, Госпоже Всемилостивая, умиласердися на нас, обуреваемых грехми многими и не имущих дерзновения ко Христу Господу просити Его о помиловании и прощении: но Тебе предлагаем к Нему на умоле-ние, Матерь Его по плоти: Ты же, Всеблагая, простри к Нему Богоприимней руке Твои, и предстательствуй за нас пред бла-гостию Его, просящи нам прощения прегрешений наших, бла-гочестного мирного жития, благия христианския кончины и доб-раго ответа на Страшнем Суде Его. В час же грозного посещения Божия, егда огнем возгорятся дома наши, или молниеносным громом устрашаеми будем, яви нам милостивное Твое заступление и державное вспоможение: да, спасаеми всесильными Твоими ко Господу молитвами, временнаго наказания Божия zde избегнем и вечное блаженство райское тамо унаследуем, и со всеми святыми воспоем пречестное и великоле-пое имя поклоняемяя Троицы, Отца и Сына и Святаго Духа, и Твое велие к нам милосердие, во веки веков. Аминь.

**8 (21) сентября - икона Божией Матери «ЗНАМЕНИЕ» Курская  
- молятся об исцелении от слепоты, холеры.**

**Тропарь, глас 4:**

*Яко неборимую стену и источник чудес / стяжавше Тя раби Твои, / Богородице пречистая, /  
сопротивных ополчения низлагаем. / Темже молим Тя: / мир граду Твоему даруй / и душам нашим  
велию милость.*

**Молитва**

О, Пресвятая Дево, Мати Христа Бога нашего, Царице Небеси и земли! Вонми многоболезненному воздыханию душ наших, призри с высоты святяя Твоея на нас, с верою и любо-вию поклоняющихся Пречистому Образу Твоему: се бо, грехми погружаеми и скорбми обуреваемы, взирая на Твой образ, яко живущей Ти с нами, приносим смиренныя моления наша, не имамы бо иныя помощи, ни инаго предстательства и утешения, токмо Тебе, о Мати всех скорбящих и обремененных. Помози нам немощным, утоли скорбь нашу, настави на путь правый нас заблудших, уврачуй болезненныя сердца наша и спаси безнадежных. Даруй нам прочее время живота нашего в мире и покаянии проводить, подаждь христианскую кончину, и на Страшном Суде Сына Твоего явися нам милосердная предстательница, да всегда поем, величаем и славим Тя Благоую Заступницу рода христианскаго, со всеми угодившими Богу, во веки веков. Аминь.

## **18 (1) сентября - икона Божией Матери «ЦЕЛИТЕЛЬНИЦА»**

**- молятся об исцелении от различных болезней.**

### **Тропарь, глас 1:**

*Любовию, Чистая Дево, Твою святую икону почитающим, и Божию Тя истинную Матерь прославляющим, и верно покло-няющимся Целительнице явися, всякое зло и болезни от сих удаляющая, яко Всемогущая.*

### **Молитва 1**

О, Пресвятая Госпоже Царице Богородице, Высшая всех небесных сил и Святейшая всех святых. Припадаем и поклоняемся Тебе пред всечестным и цельбоносным образом Твоим, воспоминающе дивное явление Твое болящему клирику Викентию и усердно молим Тя, Всесильную рода нашего Заступницу и Помощницу, якоже древле подала исцеление тому клирику, тако и ныне исцели наша души и телеса, болезнующая ранами грехов и страстей многообразных избави нас от всяких напастей, бед, скорбей и вечного осуждения. Сохрани от душепагубных учений и безверия, от лживых и наглых нападений невидимых врагов. Подаждь нам христианскую кончину безболезненную, мирную, непостыдную, Святых Тайн и причастную. Сподоби нас на нелицеприятном судище Христове стати одесную Всеправедного Судии и Блаженный глас Его услышати: Приидите благословеннии Отца Моего, наследуйте уготованное вам Царствие от сложения мира. Аминь.

### **Молитва 2**

Прими, о Всеблагословенная и Всемощная Госпоже Владычице Богородице Дево, сия молитвы, со слезами Тебе ныне приносимыя от нас, недостойных раб Твоих, ко Твоему цельбоносному образу пение возсылающих со умилением, яко Тебе самой zde сущей и внемлющей молению нашему. По коемуждо бо прошению исполнение твориши, скорби облегчавши, немощным здравие даруеши, расслабленных и недужных исцеляеши, от бесных бесы прогонявши, обидимыя от обид избавлявши, прокаженных очищавши и малые дети милуеши: еще же, Госпоже Владычице Богородице, и от уз и темниц свободяеши и всякия многообразныя страсти врачуеши: вся бо суть возможна ходатайством Твоим к Сыну Твоему, Христу Богу нашему. О, Всепетая Мати, Пресвятая Богородице! Не престай молитися о нас, недостойных рабах Твоих, славящих Тя и почитающих Тя, и поклоняющихся со умилением пречистому образу Твоему, и надежду имущих невозвратную и веру несумненную к Тебе, Приснодеве Преславней и Непорочней, ныне и присно, и во веки веков. Аминь.

## 1 (14) октября - икона «ПОКРОВА» Божией Матери.

### Тропарь, глас 4:

*Днесь, благовернии людие, светло празднуем, осеняеми Твоим, Богоматри, пришествием, и к Твоему взирающе Пречистому образу, умильно глаголем: покрый нас честным Твоим Покровом, и избави нас от всякаго зла, молящи Сына Твоего Христа Бога нашего, спасти души наша.*

### Молитва

О Пресвятая Дево, Мати Господа Вышних сил, Небесе и земли Царице, града и страны нашаея всемогущая Заступнице! Приими хвалебно-благодарственное пение сие от нас, недостойных раб Твоих, и вознеси молитвы наша ко Престолу Бога Сына Твоего, да милостив будет неправдам нашим и пробавит благодать Свою чтущим Всечестное Имя Твое и с верою и любовию поклоняющимся чудотворному образу Твоему. Несмы бо достойни от Него помиловани быти, аще не Ты умилостивиши Его о нас, Владычице, яко вся Тебе от Него возможна суть. Сего ради к Тебе прибегаем, яко к несомненной и скорей Заступнице нашей: услыши нас, молящихся Тебе, осени нас все-державным Покровом Твоим и испроси у Бога Сына Твоего пастырем нашим ревность и бдение о душах, градоправителем мудрость и силу, судиям правду и нелицеприятие, наставником разум и смиренномудрие, супругом любовь и согласие, чадом послушание, обидимым терпение, обидящим страх Божий, скорбящим благодушие, радующимся воздержание; всем же нам дух разума и благочестия, дух милосердия и кротости, дух чистоты и правды. Ей, Госпоже Пресвятая, умилосердися на немощныя люди Твоя; рассеянныя собери, заблудшия на путь правый настави, старость поддержи, юныя уцеломудри, младенцы воспитай и призри на всех нас призрением милостиваго Твоего заступления, воздвигни нас из глубины греховныя и просвети сердечныя очи наша ко зрению спасения; милостива нам буди зде и тамо, в стране земнаго пришельствия, и на Страшнем Суде Сына Твоего: преставльшия же в вере и покаянии от жития сего отцы и братию нашу в Вечней Жизни со Ангели и со всеми святыми жити сотвори. Ты бо еси, Госпоже, Слава небесных и Упование земных, Ты по Бозе наша Надежда и Заступница всех притекающих к Тебе с верою. К Тебе убо молимся и Тебе, яко Всемогущей Помощнице, сами себе и друг друга и весь живот наш предаем, ныне и присно, и во веки веков. Аминь.

**12 (25) октября икона Божией Матери «ИЕРУСАЛИМСКАЯ»**

**- молятся при пожаре, эпидемии холеры, об избавлении от падежа скота, об исцелении от слепоты, паралича.**

### **Тропарь, глас 3:**

*Твоего предстательства уверение / и милосердия Твоего явление / икона Иерусалимская нам,  
Владычице, показася / пред нею же души наша в молитве изливаем / и верю Тебе вопием: / возри,  
Милосердная, на люди Твоя, / вся скорби наша и печали утоли, / утешение благое в сердца наша  
низпроси / и спасение вечное душам нашим, Пречистая, испроси.*

### **Молитва**

Пресвятая Госпоже, Владычице Богородице, упование всех уповающих на Тя, Заступнице печальных, прибежище отчаянных, вдов и сирот Питательнице! Услыши и помилуй ны, грешная и недостойная рабы Своя, со умилением ко пречистому Твоему образу припадающая: умоли, Милосердая Владычице, Сына Твоего и Господа нашего Иисуса Христа, да отвратит от нас праведный гнев Свой, да простит грехи и беззакония наша, яко да сподобимся благостию Его скончати житие наше в покаянии и получитьи милость Его со всеми избранными Его, яко благословена и препрославлена еси во веки веков. Аминь.

**15 (28) октября - икона Божией Матери «СПОРИТЕЛЬНИЦА ХЛЕБОВ» -  
молятся об избавлении от засухи, гибели хлебов, голода.**

### **Молитва**

О, Пречистая Дево Богородице, Премилостивая Владычице, Царице небеси и земли, всякого дома и семейства христианского Благоустроительнице, трудящихся Благословение, нуждающихся неистощимое Богатство, сырых и вдовиц и всех людей Кормилице! Питательнице наша, рождающая Питателя Все-ленняя и Спорительнице хлебов наших: Владычице, ниспосли Твое Матернее благоволение и благословение святым обите-лем, градом нашим и селам, и нивам, и каждому на Тя упование имущему. С благоговейным трепетом и сокрушенным сердцем смиренно молимся Тебе: о, Премилосердная Мати рода христианского, буди и нам грешным и недостойным рабом Твоим мудрая домостроительнице, житие наше добре устрояющая. Всякое же общество, всякий дом и семейство во благочестии и православии, единомыслии, послушании и довольстве соблюди. Нищия и неимущия пропитай, старость поддержи, младенцы воспитай, всех вразуми преискренне взывать ко Господу: «Хлеб наш насущный даждь нам днесь». Сохрани, Пречистая Мати, люди Твоя от всякия нужды, болезни, глада, губитель-ства, огня, злаго обстояния и всякого нестроения. Святым оби-телем, градом, весем нашим, домом и семействам и всякой душе христианской и всей стране нашей исходатайствуй мир и велию милость. Да славим Тя, Пречистую Питательницу и Кор-мительницу нашу, ныне и присно и во веки веков. Аминь.

**24 (6) октября - икона Божией Матери «ВСЕХ СКОРБЯЩИХ РАДОСТЬ»**

**- молятся все обиженные, угнетенные, страждущие; страдающие припадками, расслаблением рук, болезнью горла, туберкулезом.**

### Тропарь, глас 8:

*Ко источнику приснотекущему милосердия,/ Пречистой Деве Богородице,/ притецем, людие  
вси, священницы же и иноцы,/ мужие и жены, и чада, здравии и болящие,/ в покаянии вопиюще и  
умильно глаголюще:/ Владычице, помози грешным рабом Твоим,/ яви яко Благая славу Твою,/  
присно потщи-ся умилосердиться на ны,/ испросити очищение душ и телес наших/ от Источника  
жизни нашей, Бога,/ Егоже родила еси, едина Благословенная.*

### Молитва

О Пресвятая Владычице и Богородице, Высшая Херувим и Честнейшая Серафим, Богоизбранная Отроковице, погибших Взыскание и всех скорбящих Радосте! Подаждь утешение и нам, в погибели и скорби сущим; разве бо Тебе иного прибежища и помощи не имамы. Ты едина еси радости нашея Ходатаица, и яко Матерь Божия и Мати милосердия, предстоящи у Престола Пресвятой Троицы, можеша нам помощи, никтоже бо притека-яй к Тебе посрамлен отходит. Услыши убо и нас ныне в день погибели и печали пред Твоею иконою припадающих и со слезами Тебе молящихся: отжени от нас належащая на нас скорби и беды в сей временней жизни, не лишены же сотвори Твоим всемогущим ходатайством и вечныя нескончаемыя радости в Царствии Сына Твоего и Бога нашего. Аминь.

**9 (22) ноября - икона Божией Матери «СКОРОПОСЛУШНИЦА»**

**– молятся при многих недугах - слепоте, хромоте, расслаблении, находящиеся в плену, попавшие в кораблекрушение.**

—

### **Тропарь, глас 4:**

*К Богородице притецем сущий в бедах,/ и ко Святей иконе Ея ныне припадем,/ с верою зовуще из глубины души:/ скоро наше услыши моление, Дево,/ яко Скоропослушница нарекшаяся:/ Тебе бо раби Твои в нуждах готовую помощницу имамы.*

### **Молитва**

О, Пресвятая Дево, Мати Господа Вышняго, Скоропослушная заступнице всех, к Тебе с верою прибегающих! Призри с высоты небеснаго величия своего на мене непотребнаго, припадающаго к иконе Твоей, услыши скоро смиренную молитву мене грешнаго и принеси ю к Сыну своему: умоли Его, да озарит мрачную душу мою светом Божественныя благодати Своея и очистит ум мой от помыслов суетных, да успокоит страждущее мое сердце и исцелит раны его, да вразумит мя на добрая дела и укрепит работати Ему со страхом, да простит вся содеянная мною злая, да избавит вечныя муки и не лишит небеснаго Своего царствия. О Преблагословенная Богородице: Ты благоизволила еси нарещися во образе своем Скоропослушница, повеливающи всем притекати к Тебе с верою: не призри убо мене скорбнаго и не попусти погибнути мне в бездне грехов моих. На Тя по Бозе все мое упование и надежды спасения, и Твоему покрову и предстательству поручаю себе во веки.

**Аминь.**

**27 (10) ноября - икона Божией Матери «ЗНАМЕНИЕ» Новгородская**

**- молятся о прекращении бедствий, от воров.**

### **Тропарь, глас 4:**

*Я ко неборимую стену и источник чудес / стяжавше Тя раби Твои, / Богородице Пречистая, /  
сопротивных ополчения низлагаем. / Темже молим Тя: / мир граду Твоему даруй / и душам нашим  
велию милость.*

### **Молитва**

О, Пресвятая и Преблагословенная Мати Сладчайшего Господа нашего Иисуса Христа! Припадаем и поклоняемся Тебе пред Святою чудотворною иконою Твоею, воспоминающе дивное знамение Твоего заступления, Великому Новуграду от нея явленное во дни ратного нашь нашествия. Смиренно молим Тя, Всесильная рода нашего Заступнице: якоже древле отцем нашим и помощь тогда ускорила еси, тако и ныне нас немощных и грешных Твоего Матерняго заступления и попечения сподоби. Спаси и сохрани, Владычице, под кровом милости Твоея всю Россию, и все христоролюбивое ея воинство. Церковь святую утверди, град Твой, и всю страну нашу православную и всех нас, припадающих к Тебе с верою и любовию и умиленно просящих со слезами Твоего заступления, помилуй и сохрани. Ей, Госпоже Всемиловитая! Умилосердися на ны, обуреваемыя грехми многими, простри ко Христу Господу Богоприим-ная руце Твои и предстательствуй за нас пред благостию Его, просящи нам прощения прегрешений наших, благочестнаго мирнаго жития, Благая христианския кончины добраго ответа на Страшнем Суде Его: да спасаеми всесильными Твоими к нему молитвами, блаженство райское унаследуем, и со всеми святыми воспоем пречестное и великолепое имя достопокланяемая Троицы, Отца и Сына и Святаго Духа, и Твое велие к нам милосердие во веки веков. Аминь.

**9 (22) декабря - икона Божией Матери «НЕЧАЯННАЯ РАДОСТЬ» - к ней**

**обращаются страдающие недугом глухоты**

### Тропарь, глас 4:

*Днесь, верние людие, духовно торжествуем, / прославляюще Заступницу усердную рода  
христианского, / и, притекающе к пречистому Ея образу, взываем сице: / о Премилостивая Владычице  
Богородице, / подаждь нам нечаянную радость, / обремененным грехи и скорбьми многими, / и избави нас от  
всякаго зла, / моля-щи Сына Твоего, Христа Бога нашего, / спасти души наша.*

### Молитва

О, Пресвятая Дево, Всеблагаго Сына Мати Всеблагая, града Москвы Покровительнице, всех  
сущих во гресех, скорбех, бедах и болезнях Верная Предстательнице и Заступнице! Приими  
молебное пение сие от нас, недостойных раб Твоих, Тебе возносимое, и якоже древле грешника,  
на всяк день многажды пред честною иконою Твоею молившагося, не презрела еси, но даровала  
еси ему нечаянную радость покаяния и преклонила еси Сына Твоего многим и усердным к Нему  
ходатайством ко прощению сего грешнаго и заблудшагося, тако и ныне не презри моления нас,  
недостойных рабов Твоих, и умоли Сына Твоего и Бога нашего, да и всем нам, с верою и  
умилением поклоняющимся пред цельбоносным образом Твоим, дарует нечаянную по коегождо  
потребе радость: грешником, погрязшим во глубине зол и страстей, - вседейственное  
вразумление, покаяние и спасение; сущим в скорбех и печалех - утешение; обретающимся в  
бедах и озлоблениях - совершенное сих избытие; малодушным и ненадежным - надежду и  
терпение; в радости и изобилии живущим - непрестанное Благодетелю благодарение; бед-  
ствующим - милосердие; сущим в болезни и долгонедужии и оставленным врачами - нечаемое  
исцеление и укрепление; иждившим от недуга ум - ума возвращение и обновление; отходящим в  
вечную и нескончаемую жизнь - память смертную, умиление и сокрушение о гресех, дух бодр и  
твердую на милосердие Судии надежду. О Госпоже Пресвятая! Умилосердися ко всем, чтущим  
всечестное имя Твое, и всем яви всемогущий покров Твой и заступление; во благочестии, чистоте

и честном жительстве пребывающия до последнего их скончания во благодати соблюди; злыя благи сотвори; заблуждшия на путь правый настави; всякому делу благому и Сыну Твоему угодному споспешествуй; всякое дело злое и богопротивное разруши; в недоумении и трудных и опасных обстояниях обретающимся незримую помощь и вразумление с Небесе низпосли; от искушений, соблазнов и погибели спаси; от всех злых человек и от врагов видимых и невидимых защиты и сохрани; плавающим сплавай; путешествующим спутешествуй; сущим в нужде и гладе буди Питательница;

неимущим крова и пристанища буди покров и прибежище; нагим подаждь одеяние; обидимым и неправедно гонимым - заступление; клевету, поношение и хуление терпящия незримо оправдай; клеветники и хулители пред всеми обличи; ожесточенно враждующим нечаемое подаждь примирение, и всем нам друг ко другу любовь, мир и благочестие и здравие с долгоденствием. Супружества в любви и единомыслии сохрани; супруги, во вражде и разделении сущия, умири, соедини я друг ко другу и положи им союз любви неразрушимый; матерем, дети родящим, скорое подаждь разрешение; младенцы воспитай; юныя целомудри, отверзи им ум к восприятию всякаго полезнаго учения, страху Божию, воздержанию и трудолюбию настави; от домашней брани и вражды единокровных миром и любовию огради. Безматерних сирот буди Матерь, от всякаго порока и скверны отврати я и всему благому и Богоугодному научи, прельщенные же и во грех и нечистоту падшия, скверну греха отъявши, из бездны погибели изведи. Вдов буди Утешительница и Помощница, старости буди жезл, от внезапная смерти без покаяния всех нас избави, и всем нам христианскую кончину живота нашего, безболезненну, непостыдну, мирну и добрый ответ на страшнем Судищи Христове даруй. Преставльшиися в вере и покаянии от жития сего со Ангелы и всеми святыми жити сотвори, скончавшимся внезапною смертию милостива быти Сына Твоего умоли, и о всех усопших, иже не имут сродников, о упокоении их Сына Твоего умоляющих,

Сама буди непрестанная и теплая Молитвенница и Ходатаица, да вси на Небеси и на земли ведят Тя, яко твердую и непостыдную Предстательницу рода христианского, и, введуще, славят Тя и Тобою Сына Твоего, со Безначальным Его Отцем и Единосущным Его Духом, ныне и присно и во веки веков. Аминь.

**20 (2) декабря - икона Божией Матери «СПАСИТЕЛЬНИЦА**

**УТОПАЮЩИХ»**

**- обращаются те, которым приходится вручать себя во власть  
водной стихии.**

### **Молитва**

Заступнице усердная, Мати Господа Вышняго! Ты еси всем христианам помощь и заступление, паче же в бедах сущим. Призри ныне с высоты святяя Твоя и на ны, с верою покланяю-щяся Пречистому Образу Твоему, и яви, молим Тя, скорую помощь Твою по морю плавающим скорби терпящим.

Подвигни и вся православныя христианы на спасение в водах утопающих, и воздаждь подвижающимся о сем богатяя милости и щедроты Твоя. Се бо, на Образ Твой взирающе, Тебе яко ми-лостивно сущей с нами, приносим смиренная моления наша. Не имамы бо ни иныя помощи, ни инаго предстательства, ни утешения, токмо Тебе, о Мати всех скорбящих и напутствуемых. Ты бо наша надежда и заступница, и на Тя уповающе, сами себе, и друг друга, и всю жизнь нашу Тебе предаем во веки веков. Аминь.

## **26 (8) декабря - икона Божией Матери «ТРЕХ РАДОСТЕЙ»**

**- молятся об оправдании обвиненных, об освобождении из плена, о возвращении утраченного.**

### **Тропарь, глас 4:**

*От святых икон Твоя / радости неизреченныя преисполнила еси сердце благочестивыя жены. /  
О Пречистая Владычице мира, / Всемогущая Царица радости, Приснодево твари, / егда возвратила оной  
и мужа, и сына, и достояние ея, / такожде и всем нам милосердствуеши, даруй исполнение благих  
желаний, / источая присно текущий источник радость молящимся Тебе и вседушно вопиющим: /  
Радость всему миру родившая, / радости исполни неоскудевающей чтущих Тя.*

### **Молитва**

О, Пресвятая Дево, Всеблагаго Сына Мати Всеблагая, царствующего града и святого храма сего покрове, всем верная предстательнице и заступнице! Не презри моления нас, недостойных раб твоих, но умоли сына Твоего и Бога нашего, да всем нам, с верою и умилением пред чудотворным образом Твоим покланяющимся, по коегождо потребе радость дарует: грешником вседейственное вразумление, покаяние же и спасение; сущим в скорбех и печалех утешение; в бедах и озлоблениих пребывающим совершенное сих избытие; малодушным и ненадежным надежду и терпение; в радости и изобилии живущим непрестанное Богу благодарение; сущим в болезни исцеление и укрепление. О госпоже Пречистая! Умилосердися ко всем чтущим всечестное имя Твое, и всем яви всемогущий покров Твой и заступление: от враг видимых и невидимых люди твоя защити и сохрани. Супружества в любви и единомыслии утверди; младенцы воспитаи, юныя целомудри, отверзи им ум к восприятию всякого полезнаго учения; от домашня свары единокровныя люди миром и любовию огради, и всем нам подаждь друг ко другу любовь, мир и благочестие и здравие со долгоденствием, да вси на небеси и на земли ведят Тя, яко твердую и непостыдную предстательницу рода христианскаго, и сие ведущие, славят Тя и Тобою Сына Твоего, со безначальным Его Отцем и единосущным Его Духом, ныне и присно и во веки веков. Аминь.

***Икона Божией Матери «ВСЕЦАРИЦА» - молятся об исцелении при раковых заболеваниях.***

**Тропарь, глас 4:**

*Образом радостотворным честныя Всецарицы, Желанием теплым взыскающих благодати Твоея, спаси Владычице; избави от обстояний к Тебе прибегающих; от всякия напасти огради стадо Твое, к заступлению Твоему взывающе присно.*

**Молитва 1**

О Пречистая Богомати, Всецарице! Услыши многоболезненное воздыхание наше пред чудотворною иконою Твоею, из Афонского удела в Россию пренесенною, призри на чад Твоих, неисцельными недуги страждущих, ко святому образу Твоему с верою припадающих! Якоже птица крилома покрывает птенцы своя, тако и Ты ныне присно жива сущи, покрый нас многоцелебным Твоим омофором. Тамо, идеже надежда исчезает, не-сумненною Надеждою буди. Тамо, идеже лютыя скорби превозмогают, Терпением и Ослабою явися. Тамо, идеже мрак отчаяния в души вселися, да возсияет неизреченный свет Божества! Малодушныя утеши, немощныя укрепи, ожесточенным сердцам умягчение и просвещение даруй. Исцели болящия люди Твоя, о всемилостивая Царице! Ум и руки врачующих нас благослови; да послужат орудием Всемощнаго Врача Христа Спаса нашего. Яко живей Ти сущей с нами молимся пред иконою Твоею, о Владычице! Прости рuce Твои, исполненныя исцеления и врач-бы, Радосте скорбящих, в печалех Утешение, да чудотворную помощь скоро получив, прославляем Живоначальную и Нераздельную Троицу, Отца, и Сына, и Святаго Духа во веки веков. Аминь.

**Молитва 2**

Всеблагая, досточудная Богородице, Пантанасса, Всецарице! Несмь достоин, да внидеши под кров мой! Но яко милос-тиваго Бога любоблагоутробная Мати рцы слово, да исцелится душа моя и укрепится немощствующее тело мое. Имаши бо державу непобедимую, и не изнеможет у Тебе всяк глагол, о Все-царице! Ты за мя упроси. Ты за мя умоли. Да прославляю пре-славное имя Твое всегда, ныне и в бесконечныя веки. Аминь.

## **16 (29) сентября - икона Божией Матери" ПРИЗРИ НА СМИРЕНИЕ"**

### **Курская - молятся об исцелении от слепоты, холеры**

#### **Тропарь:**

*Необоримая стена образ Твой и источник чудес якоже древле от Него заступление Твое граду Пскову даровала еси тако и ныне нас от всех бед и скорбен милостивно избави и спаси души наши яко любвеобильная Мати.*

#### **Молитва**

О, Пресвятая Госпоже, Дево Богородице, высшая Херувим и Честнейшая Серафим, Богоизбранная Отроковице! Призри с высоты небесной милостивным Твоим оком на нас, недостойных рабов Твоих, со умилением и слезами молящихся пред Пречистым образом Твоим; не лиши нас Твоего заступления и покрова Державного в странствии сем земном, многоскорбном и многомятежном. Спаси нас в погибели и скорби сущих, воздвигни из глубины греховныя, просвети ум наш, омраченный страстьми и уврачуй язвы душ и телес наших! О, Всещед-рая Мати Человеколюбиваго Владыки! Удиви на нас пребога-тыя милости Твоя, укрепи немощную волю нашу к деланию заповедей Христовых, умягчи окаменелая сердца наша любовию к Богу и ближним, даруй нам сокрушение сердечное и покаяние истинное, да очистившись от скверны греховныя, сподобимся мирныя христианския кончины и добраго ответа на Страш-нем и нелицеприятием Суде Господа нашего Иисуса Христа, Емуже со Безначальным Его Отцем и Пресвятым, Благим и Животворящим Духом, подобает всякая слава, честь и поклонение, ныне и присно и во веки веков.

Аминь.

Формат 60x84 1/16. Печать офсетная

Тираж 10 000 экз. Зак. 128

Отпечатано в типографии

Патриаршего издательско-полиграфического центра

г. Сергиев Посад

тел. /факс/ (095) 721-26-45